

فرسان الدعاء | الحلقة (70) | #فرسان_العشر | د . حازم

شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. الله اكبر. الله اكبر الله اكبر لا اله الا الله. الله اكبر الله اكبر والله الحمد. الله اكبر كبيرا والحمد لله كثيرا. وسبحان الله بكرة واصيلا - [00:00:02](#)

ندخل في اخر ايام واطهر ايام يا جماعة. اخطر ايام العشر اخطر الليالي اللي ربنا سبحانه وتعالى اقسم بها. خلاص يوم عرفة خلاص اهو. احنا النهاردة بازن الله نتكلم الموضوع خطير جدا. نبدأ بقصة اخ من الاخوة عندنا. اخ اسمه محمد راح يعمل عمرة فلوسه خلصت. مش اتبقى معه عشرين ريال ثلاثين ريال. ما عدش معه ولا ملهم خالص. طب هياكل منين - [00:00:22](#)

فضل يطوف حوالين الكعبة في بلد غريبة ما هو مش عارف يعمل ايه. يطوف ويقول يا رب يا رب ويبكي ويقول يا رب ويقول لها واحد اخترق الصفوف شكله سعودي وجه لغاية - [00:00:42](#)

قال له انت محمد؟ قال له ايوه. قال له انت مصري يخاف احسن يكون تبع الترحيلات. فسكت وبعد كده قال له ايوه. قال له طب خد المبلغ ده وتفضل معنا للحج ان شاء الله - [00:00:52](#)

مش عارف هو مين ولا شافه قبل كده ولا شافه بعد كده. انما يا جماعة يقينا ده حاجة ربنا بعثها له بسبب كلمة يا رب بسبب كلمة يا رب. بنسمع المصباح علاء الدين - [00:01:02](#)

انا جايب لكم الليلة مصباح علاء الدنيا والدين. انا جايب لكم الليلة اخطر حاجة هيتفتح بها ابواب خزائن الله لنا كلنا. كلمة يا رب يا جماعة كلمة يا رب نزل بها من خزائن الله اكثر من اللي خرج من خزائن الملوك في تاريخ البشرية. كلمة يا رب حصل فيها في تاريخ الارض اكثر من اللي حصل بسبب الحروب العالمية - [00:01:12](#)

كلمة يا رب ايه اللي دق ابواب السما واستنزل الملائكة في غزوة بدر غير كلمة يا رب من بق النبي. عليه الصلاة والسلام. كلمة يا رب هي اتصال باكبر قوة - [00:01:32](#)

الوجود كلمة يا رب رحمة لو واحدة شيوعية ابنها جا له سرطان هتنتحر. انما المؤمن هيقول يا رب كلمة يا رب دي السلاح الاول في مواجهة كل معركة الحل الاول في مواجهة كل مشكلة. المعراج الاول في الوصول لاي هدف. من الاهداف كلمة يا رب كان في مسلمة اجنبية بدأت تعلم اولادها وهي - [00:01:42](#)

حضر الاكل ان يا اولاد اللي بيعت لنا الاكل لربنا انتم تصلوا وتدعوا وتقولوا يا رب ناكل يا رب ناكل. تلاقوا ربنا جاب لنا الاكل على الترابيزة. عمل عيال يدعو عمال - [00:02:02](#)

ونوصل له يخرجوا يلاقوا الاكل على الترابيزة. فمرة من المرات الام ما جتش من الشغل اتأخرت برة اجنبية. والولد جه من المدرسة وجعان ما هوش عارف يعمل ايه. فقام قال - [00:02:12](#)

صلى ركعتين وواحد يقول يا رب اكل يا رب اكل. فخرج لقي الاكل على الترابيزة فامه جاية ملهوفة عايزة تأكل ابنها قال لها يا ماما انا قعدت اقول يا رب اكل وربنا برضو - [00:02:22](#)

الاكل على الترابيزة. قصة حقيقية يا جماعة حاجة تبكي والله يا جماعة. سبحان الملك! كلمة يا رب! النهاردة عايزين نبقي فرسان الدعاء. فرسان في كلمة يا رب فرسان عرفات فرسان في التوجه الى الله بس قبل ما نتكلم عن الدعاء انا عايزك تعرف انت بتدعي

مين ؟ انت بتدعي مين ؟ انا عايزك تعرف قد ايه كرم - 00:02:32

اللي بيديك من غير ما تسأل. امال لو سألت وقلت يا رب هيديك ايه ؟ اللي كل العبادات خلى الملائكة ترفعها له. الصوم يرفعها له. الصلاة يرفعها له. الا دعاء ما فيش واسطة ولا حتى الملائكة ترفعها. انا عايزك تعرف غنى ربنا قد ايه. اللي انت بتدعيه غني قد ايه. يا عبادي لو ان اولكم واخركم - 00:02:52

وانسكم وجنكم الناس لوحدهم ستة مليار. والجن كم مليار؟ قاموا في صعيد واحد. فسأل كل واحد منهم مسألته. انا ما اتجوزتش عايز يا رب. انا عايز عربية جديدة يا رب. انا ابن ملك عايز الملك يا رب. انا عندي سرطان عايز الشفاء يا رب. في يا جماعة كل ربنا سبحانه وتعالى يوم عرفة ستة مليون يبقفوا على جبل عرفة - 00:03:12

كل واحد بيدعي عشرات الادعية ستين ولا ستميت مليون دعاء بيجابوا. وما فيش حاجة بتغيض من خزائن الله. الف وربعميت وقفة عربية عرفة في تاريخ اسلام وربنا خزائنه ما بتنقصش. يسأله من في السماوات والارض. مليارات المليارات في الكون بيقولوا يا رب. وربنا بيدى الكل وما بينقصش اللي عنده - 00:03:32

التلت الاخير من الليل في الارض كلها كله بيقول يا رب. هو ما بينقصش اللي عنده. انا عايزك تعرف اللي انت بتدعيه قد ايه عظيم. اقل عينك. وافتح بصر قلبك - 00:03:52

دلوقتي في اللحظة اللي انت بتسمعني فيها ده ايه عيش في قلبك السبع سموات مليانين ملايكة. كلهم ساجدين من الاف السنين. مسبحين لربنا. في اللحظة اللي احنا فيها دهيه جبريل عند سدرة المنتهكة الحلس البالي. من انكساره بين ايدين ربنا. في اللحظة اللي احنا فيها دهيه حملة العرش ومن حوله بحافين من حول العرش - 00:04:02

باستمرار من كتر الشوق لربنا. في اللحظة اللي احنا فيها دهيه سيدنا ابراهيم وسبعين الف ملك. حوالين البيت المعمور بيطوفوا بلا توقف. ده انت لو دخلت مسجد فيه مليون واحد قاعدين يصلوا على طول ويبكوا بترتجي في قلبك. اومال منزر السماوات! يا جماعة ده الرعد جندي يبسبح لربنا. الرعد ده صوت - 00:04:22

تسبيح ويسبح الرعد بحمده. امال لو سمعت صوت تسبيح النمل اللي في اوضتك هتعمل ايه ؟ اومال لو سمعت صوت تسبيحة كون كله وهو بيقول سبحانك! فيه نفس واحد الكون كله - 00:04:42

ويصبح ربنا في نفس واحد. له مقاليد السماوات والارض. القرآن بيكلمك عن عزمة ربنا لغاية مشاعر راسك يقف. مقاليد من القلادة اللي بتحيط بالعنق احد كل شيه هيمن على كل شيه. القرآن بيقول لك ان القريب المجيب هو الله. القرآن بيقول لك ان العظيم الغني الكريم هو الله. ان العظيم العليم هو - 00:04:52

والله ان ذو الجلال والاکرام هو الله. ان الاحد الصمد الرحمن الرحيم هو الله. هو الله يا جماعة. قد ايه اللي انت بتدعوه عليم. لو جينا متر في متر رمل عدد حباته كم ما تعرفش بس ربنا يعلم. ويعلم عدد حبات الرمل في الصحراء الشرقية والغربية كم؟ ويعلم عدد السمك في المحيط الاطلنطي والمحيط الهادي كم - 00:05:12

ويعلم عدد قطرات المطر اللي بتنزل في كل شتا كام ؟ ويعلم عدد ورق الشجر في الغابات الاستوائية كاهن. اله عليم اله عظيم اله قريب قريب يا جماعة. قريب مننا كلنا مجيب. لما سيدنا نوح قال رباني مغلوب فانتصر. ربنا قال ففتحنا ابواب السماء وفجرنا - 00:05:32

الارض فالتقى الماء وحملناه كل ده ليه يا رب؟ عشان عبدي قال لي يا رب لما ايوب قال اني مسني الضر وانت ارحم الراحمين. ربنا قال فاستجبنا فكشفنا ما به من ضر. لما يونس قال لا اله الا انت سبحانك اني كنت من الظالمين. ربنا قال فاستجبنا له ونجيناه من - 00:05:52

من الغم لما زكريا قال رب لا تذرني. ما تسبنيش يا رب ربنا قال فاستجبنا له. ووهبنا له يحيى. اله مجيب. اله عظيم مليون شاهد في حياتك وحياة اللي حواليك. بتدل ان ربنا مجيب. مليون شاهد. في الحياة من حواليتها ان ربنا مجيب للدعاء. انت عارف انت بتدعي - 00:06:12

انت عارف الدعاء ده ثمرته ايه في حياتك الدعاء ده خطير جدا يا جماعة. الدعاء ده سماره رهيبة في الحياة. الدعاء ربنا بيفرج به كربات لا يمكن تنفرج بغيره. كان احد الدعاة في دولة من دول - 00:06:32

بيتحاكم وكان مظلوم. فالقاضي قال هيتحبس خمسة واربعين يوم. فالمحامي بتاعه قال له قل للمتهم قال له قل يعني ايه ؟ اترجاه ان هو يفرج عنك والله لا اطلب الا من الله. القاضي بيقول يعني يحبس خمسة واربعين يوم. فكتب يخلى سبيله. الكاتب راح جرى ورا القاضي قال - 00:06:47

انت كتبت اخونا السبيل قال لا لا لا يحبس خمسة واربعين يوم كتب يخلى سبيله الكاتب جينا تاني قال له انت قال له لا لا لا يجدد حبسه خمسة يوم كتب يخلى سبيله. الراجل جرى وراه تالت مرة ولا رابع مرة. قال له ربنا عايز يخلق. ربنا يريد انه يخلص به. يبقى يخلى سبيله. خلاص الاخوة المجاهدين ايام زمان في - 00:07:07

انا مستاهل ايام زمان مية وعشرين دابة روسية حاوطتهم. بدأوا يحاربوا لغاية ما الزخيرة نفزت. الاخ اللي بيحكي بيقول طب نعمل ايه؟ وقفنا نتضرع لربنا بيقول دقائق ولقينا الرشاشات اتفتحت على الروس لغاية ما تعزمم واندحروا. يا جماعة كلمة يا رب ارفع ايدك وقل كلمة يا رب. كلمة يا رب بتفتح ابواب الرزق. كان احد - 00:07:27

شباب زي ملايين الشباب عايز وظيفة. راح لده مش فاضي راح لده مش عارف اعمل لك حاجة. راح لده فوت علي بكرة. راح لده كان على عيني. لغاية ما امه قالت له يا ابني انت قاعد تسأل ده - 00:07:47

قم يا ابني صل لربنا وادع لربنا وقف يصلي في قيام الليل لغاية ما الفجر ادن نزل الفجر لقي واحد جاره بيقول له انت لقيت وظيفة؟ قال له لا. قال له فوت علي الصبح - 00:07:57

راح للصبح في دقائق كان اتمضى جواب تعيينه في المصلحة ده من اول مرة توجه لربنا. الدعاء يا جماعة بيغيثك في مواقف حرجة خلاص الهالك جاي جاي ربنا يغيثك بسبب كلمة يا رب. واحد اسمه ابا معلق من الصحابة بيروى انه كان تاجر وكان غني جدا وهو في مرة من السفر من الاسفار - 00:08:07

طلع عليه لص قال له هقتلك. قال له طب خد فلوسي. قال له فلوسك متاخدة متاخدة. انا لازم اقتلك. قال له طب سبني اصلي

ركعتين. صل زي ما انت عايز. اعمل اللي انت عايزه. واول ما تخلص صلاة - 00:08:27

الراجل سجد لربنا قال له يا ودود يا ودود يا ذا العرش المجيد يا فعال لما يريد يا مغيث اغثني يا من ركنك يا لا يرام يا من عزك لا يضام. يا من ملأ نورك اركان عرشك اغثني اغثني. فاذا برجل - 00:08:37

قادم والسيف بتاعه بين اذني فرسه وانطلق وقتل اللص فقال له من انت؟ قال له انا ملك من ملائكة السماء الرابعة. حينما دعوت سمعت قعقعة في السماء فلما دعوت مرة اخرى اضطرب اهل السماء. فلما دعوت مرة اخرى قيل صوتي مكروب. فاستغثت بالله ان يأذن لي ان اقتل هذا اللص - 00:08:57

اذن لي. ربنا ممكن ينزل الملائكة لك عشان يجيب دعاءك؟ ابوة. زي بدر لما نزل الملائكة عشان الدعاء والتهاتف بتاع المؤمنين بالله وتعالى. كلمة يا رب كلمة يا رب بيحصل لك بها كرامات زي عاصم بن ثابت لما كان في سرية - 00:09:17

وطلع عليه ناس فضلو يضربوهم بالسلام لغاية ما اتوا لعاصي ابن ثابت. عاصم ابن ثابت وهو بيموت بيقول لربنا اللهم اني حميت دينك اول النهار. فاحمي جسدي اخره. قريش كانت عايزة عايزة تمسل بجسته لانه قتل احد الناس من قريش في غزوة بدر. بعته يجيبوا جثته ربنا بعث - 00:09:34

من الدبابير عليه. فاخذ يحميه ثم جرفه سيل فلا يعلم احد حتى الان اين جست. عاصم ابن ثابت. خبيب ابن عدي لما قبضوا عليه وودوه مكة في البخاري المرأة اللي كان محبوس في بيتها بتقول لقد رأيت معه قطفا من العنب وما في مكة يومها اي قطف من العنب. يا جماعة كلمة - 00:09:54

يا رب كلمة قد ايه ربنا قدير قد ايه ربنا عظيم. قد ايه ربنا كريم. قد ايه ربنا سبحانه وتعالى ممكن يعطيك ويفتح عليك بس ارفع ايدك. وقل كلمة يا رب - 00:10:14

فكلمة يا رب سبب لشفاء امراض مستعصية تماما. احد المهندسين كان جا له آآ التهاب رئوي قلب معه بخراج في الرئة. المرض ده صعب جدا في علاجه دخل المستشفى قعد شهر في شهر بقى هيكل عظمي مش عارفين يعالجوه. ما هوش عارف يعمل ايه واشتد به الالم. الدكاترة روحوا فضل يستغيثس بالله طول الليل. ياما - [00:10:24](#)

يجيب المضطر اذا دعاه. اشفني يا رب. يا من يجيب المضطر اذا دعاه. اشفني يا رب يا رب. فيقول حسيت بكحة خفيفة بيكح لقي كتل الصديد نزلت حطها في طبق كده جنبه. فلما الدكتور جه ثاني يوم بيحط السماعة لان خراج الصدر له صوت معين بيتسمع به مش سامع حاجة. قال له لقد شفاني الله - [00:10:44](#)

بالدعاء. احد الناس اتصل باحد الفضلاء قال له ابني عنده اربع سنين. لما كان عنده سنة جا له صرع. الصرع زاد لغاية الوقت وهو عنده اربع سنين. بقى بيجي له ثلاث نوبات في - [00:11:04](#)

اليوم تشنح. النوبة بتقعد ساعتين ونص. ابني بيموت. ابني بيتاخذ مني. خلاص. انا خلاص يئست. عدت على كل الدكاترة. قال له يا اخي انت بتقعد ثلاث ساعات عند كل دكتور. ما جربتش تقعد ربع ساعة مرة تقول يا رب. قال له ما انا باقول يا رب لا مش يا رب الباردة دي لأ. حاجة ثانية خالص طالعة من القلب بحرارة ويقين - [00:11:14](#)

كله يقول يا رب ثاني يوم اتصل به قال له انا فعلا بدأت اجتهد جدا في الدعاء. انا ابني ما جالوش النهاردة غير مرة واحدة بس النوبة. بعد ثلاث ايام اتصل به. قال له ابني ما جاليش ولا مرة خلاص - [00:11:34](#)

ما عدش النهاردة ما جالوش ولا مرة سبحان الله العظيم. الدعاء يا جماعة. كلمة يا رب احد الشباب كان عنده مرض فضل معه تلتاشر سنة. يا ترى كم دكتور كشف عليه؟ كم - [00:11:44](#)

خدها. كم تشخيص اتشخصه؟ كم مرة واحد ادى له امل وبعد كده العلاج ما جابش نتيجة. بيكشف مرة عند واحد قال له بص يا ابني انت ما عدش لك غير امل واحد بس في كلمتين - [00:11:54](#)

يا رب الكلمة وقعت في قلب الشاب. الدكتور ده بيقول بعد اسبوع زاره بعد اسبوع قضاه في الدعاء. بيقول فوجدته سليما تماما. مصدقين ولا لأ يا جماعة مصدقين ولا لأ؟ مش اللهم اهد دوسا واثت بهم هي اللي جابت قبيل الدوس للنبي عليه الصلاة والسلام. مش

اللهم اعز الاسلام باحد العمرين هي سبب اسلام عمر بن الخطاب؟ مش - [00:12:04](#)

اللهم فقهه في الدين وعلمه التأويل. هي سبب ان ابن عباس بقى ترجمان القرآن واعظم مفسر في الامة. احنا مستهينين بكلمة يا رب ليه؟ خسرانين السلاح ده في حركة الحياة ليه؟ ليه مش عايشين بالدعاء يا جماعة ليه؟ ليه يا جماعة مشاعر الدعاء؟ اخر مرة رفعت ايدك وبكيت امتى؟ اخر مرة اتوسلت وهتفت - [00:12:24](#)

ربنا امتى؟ عايزين قلوبنا تتعلق بالله يا جماعة. اهم نقطة واطغر نقطة في درس الليلة رويشة اجابة الدعاء. ايه الروشته دي؟ هي فيه الروشته اللي اجابة الدعاء؟ ايوا يا جماعة. الروشته دي جبتها من كلام الامام ابن القيم. جمع الامام ابن القيم جمع كل اسباب

اجابة الدعاء - [00:12:44](#)

عمل رشيدة واحدة ما بتاخدش خمس دقائق او عشر دقائق في قولها. بيقول نادر ان عبد يدعي ربنا بالطريقة ديت ولا يستجاب له. كل اسباب اجابة الدعاء اتجمعت مع بعض - [00:13:00](#)

كلنا مكروب يا جماعة. الروشته ديت انا جايها لكم كنز من الكنوز اللي ربنا فتح بها علينا. فتح من ربنا علينا. انا عايزك تركزي معي كويس جدا. الروشته ديت يا جماعة - [00:13:10](#)

كل واحدة بقى لها خمس سنين ما اتجوزتش وعازية تتجوز. كل مديون كل مزلوم. كل طفل عايز يجيب عجلة ومش عارف. كل شاب بقى له اربع سنين بيسقط. والسنة دي لو سقطت - [00:13:20](#)

ده يتترفد من الكلية. كل شاب عايز يتجوز. كل شاب عايز وزيفة. كل واحد مكروب. كل واحدة اهلها مبهدلينها عشان ما تلبسش النقاب ونفسها تلبسه كل واحد نفسه يحج ومش لاقى. كل واحد نفسه ربنا يغفر له ومش عارف يعمل ايه. او ربنا يهديه ويسبته. وكل شوية بيقع. كل واحد كلنا مكروبيين يا جماعة. يا جماعة لما الدكتور - [00:13:30](#)

نروح المريض ببروح للدكتور الدكتور يقول له انا عندي دواء بس غالي شوية. يقول له يا دكتور هيجيب نتيجة يقول له ان شاء الله جامدة جدا. يقول له تب يا دكتور مهما كان مهما كان تمنه - [00:13:50](#)

اهو يا جماعة احنا معنا الوقتي رويشتة اجابة الدعاء ان شاء الله. انا عايزك تركز معي. هم اتناشر تلتاشر عنصر كده نركز مع بعض فيهم. ان شاء الله بازن الله نطبقهم الليل - [00:14:00](#)

بعد الحلقة على طول نطبقهم في ايه في اكثر مشكلة في حياتك واكثر هم في حياتك ويوم عرفة ان شاء الله نطبقها على قد ما نقدر. وتجب الورقة دهيت ان شاء الله تكتبها في ورقة تعلقها قدامك في اوضتك قدام مكتبك - [00:14:10](#)

وكل ما تحس بمشكلة تقوم مطبقها عشان نعيش يا رب يا جماعة نعيش بكلمة يا رب هنعمل ايه يا جماعة ساعات شاب يقعد ثلاث سنين يدور على عروسة. بيدور بالاسباب ما هوش لاقى. وشاب عايز عروسة يقوم الليل يقول يا رب ربنا يرزقه واحدة ما كانش يحلم بها. ها رويشتة تجارية - [00:14:25](#)

الدعاء. اول حاجة في الرويشتة الخطيرة في الكنز الخطير ده هو في الكنز العظيم بتاع الليلة. اول حاجة جمع القلب على الله باليقين انك تدعي وانت موقن ان الله قادر. وانت قاعد تستشعر انت بتدعي مين؟ مين ربنا. زي بالزبط كده سارة لما دخلت على ملك مصر الزالم - [00:14:42](#)

خدها من زوجها من سيدنا ابراهيم غريبة امرأة وحيدة متاخدة من زوجها مع ملك زالم عايز يعتدي عليها. فقالت اللهم ما هو ما فيش غير دعاء بقى. اللهم ان كنت قد امنت بنبيك واحسنت فرجي الا على زوجي. فنجني من هذا الكافر. الراجل اتشل. غطى الكافر غطى الملك - [00:15:02](#)

فقالت يا رب اذا يقول قتلت فربنا ارسله تاني. فجه يعتدي تاني يا رب نجني من هذا الكافر. ربنا شال له تاني. يا رب اذا يقول قتلت فقام ارسل تاني. يا رب يا نجيني من هذا الكافر. قام ربنا شال له غطى الكافر. يا رب اذا يقول قتلت فارسلوه - [00:15:22](#)

فارسل فقال لقد اتيتم لي بشيطاننا. ابعدها عني مش عايز اشوفها. ست دعوات مستجابة في موقف واحد. انت اخر مرة الدعاء بتاعكم جه يا جماعة اخر مرة امتى يبقى اول حاجة جمع القلب على اليقين؟ اليقين بالله. الحاجة الثانية الدعاء بتوسل وذل وتذل وانكسار - [00:15:42](#)

لربنا ادعي وانت مكسور ووسطك مقطوم وانت قلبك كله زل لله سبحانه وتعالى. مش الدعاء البارد يا رب ما انا بقول يا رب لأ يا بني ادعي بحرام يا ابني ادع بلهفة يا حبيبي مش الدعاء البارد. الحاجة الثالثة يا جماعة بعد الدعاء بيقين وجمع القلب على يقين وبعد الذل والتوسل والانكسار لله سبحانه وتعالى - [00:16:02](#)

الحاجة الثالثة يا اخواني التحري اوقات الاجابة. احنا اوقات الاجابة دي قليلة. قليلة مين يا ابني؟ ده كل صلاة معها سبع اوقات اجابة. كل صلاة عند الادان اجابة عند الاقامة اجابة. ما بين الاذان والاقامة دعاء لا يرد. بعد الفاتحة دعاء مستجاب. في السجود دعاء مستجاب. قبل ما تسلم من التحيات - [00:16:22](#)

بعد ما تسلم من الصلاة. سبع اوقات في خمس صلوات بخمسة وتلاتين وقت. زود التلت الاخير من الليل ولو انت صايم كمان. سبعة وتلاتين وقت اجابة يوميا يا جماعة. يوميا يبقى ازا تحري اوقات الاجابة. طيب النقطة الرابعة. النقطة الرابعة - [00:16:42](#)

رفع الايدي في الدعاء. منظر كله امل وكله رجاء. وكله ذل لله سبحانه وتعالى. والنقطة الخامسة انك انت تقدم صدقة بين يدي دعائك. صدق طب انا مش عارف اتصدق دلوقتي صلي ركعتين وادعي فيهم. قال لأ تبقى حاجة جميلة رائعة. رح اعمل عمرة يا اخي وقل يا رب لو الحاجة بتاعتك كبيرة ونفسك انها تتحقق. اعمل عمل صالح - [00:16:59](#)

بين ايدين الدعاء صم يوم وادع وانت صايم. العمل الصالح بين ايدين الدعاء. يبقى تصدق بين ايدين دعائك. يبقى لغاية الوقت قلنا كم نقطة؟ خمس نقط يا جماعة. وبعد كده - [00:17:19](#)

الوضوء. ليه؟ عشان الزنوب اللي مانعة اجابة الدعاء دي تنزل. والحاجة السابعة التوجه الى القبلة. تبقى ناحية القبلة كده القبلة ليه؟ عشان تبقى بقى ناحية الوجهة بتاعة الصلاة. كانك متوجه الى الله. بعد كده عد معي بقى. البدء بالثناء على الله. الظلوا بيا ذا الجلال

الزموها يا ذا الجلال والاكرام. يا ذا الجلال والاكرام. ادعي. ابتهل باسمائه وصفاته. ابدأ الاول قل له يا عظيم يا عظيم. هو انت لو قلت لواحد اديني فلوس هو تخيل بقى ربنا الحيى الستير سبحانه وتعالى. لو انت اثنت عليه بعد كده ادعي ربنا باسمه الاعظم اللي هو في سورة الاخلاص. الله - 00:17:49

اني اسألك باني اشهد انك انت الله الذي لا اله الا هو الاحد الصمد الذي لم يلد ولم يولد ولم يكن له كفوا احد. ان ان تفعل كذا. ده لقد سألت الله باسمه الذي اذا دعي به اجاب واذا سئل به اعطى. الرسول قال كده للصحابي لما دعا بهذا الدعاء. وبعد كده البدء -

00:18:09

بالصلاة على رسول الله صلى الله عليه وسلم. والختم بالصلاة على رسول الله. ليه؟ لان الصلاة على الرسول عليه الصلاة والسلام مستجابة. يبقى هي في الاول وفي الاخر يبقى اللي ما بينهم مستجاب ان شاء الله - 00:18:29
بعد كده بقى ابدأ الاستغفار والتوبة ابكي وانت بتستغفر واتوب ليه؟ لان زنوبك هي اللي مانعة اجابة الدعاء وهي سبب تنزل البلاء. اه صحيح والله صح كلام حلو اوي. طب وبعد كده؟ بعد كده بقى ادعي بقى ربنا باللي انت عايزه. ادعي الوقت بقى بعد العشر حاجات دول اه ادعي. ولو كمان بالفاز السنة تبقى حاجة جميلة - 00:18:39

بالفاظك ماشي ادع ادع ربنا الحاجة اللي بعد كده كرر الدعاء. الح في المسألة بلاش الدعاء البارد يا جماعة. ما انا بقول يا رب يا رب هي دي اللي - 00:18:59

من بق النبي يوم غزوة بدر لما هتف لغاية ما ارتجف والهدوم بتاعته وقعت العباية بتاعة النبي عليه الصلاة والسلام وقعت من عليه. لأ يا جماعة قل يا رب بحرام - 00:19:09

يبقى التكرار. التكرار اللاحاح على الله. ادعي يا بنتي خمسين مرة في اليوم. عايزة عريس. عايز حاجة خمسين مرة في اليوم. عايز ربنا يتوب عليك مرة وبعد كده يا جماعة بعد اللاحاح نعمل ايه؟ يبقى احنا لغاية دلوقتي ركزوا معي. قلنا ايه - 00:19:19
قلنا رقم واحد اليقين في القلب. اليقين بالله. جمع القلب على اليقين. وبعد كده الذل والتوسل والانكسار لله. يا رب انا ما ليش غيرك. هادعي مين غيرك اتوسل بمين غيرك. الحاجة الثالثة بعد كده تحري اوقات الاجابة. مع الصلاة مع كل ادان عندك سبع اوقات اجابة. خمس سبع اوقات اجابة - 00:19:37

بخمسة وتلاتين وقت اجابة زائد التلت الاخير من الليل ده دي بقى الحاجة الايه الكبيرة اوي. زائد لو انت صايم حاجة عزيمة جدا الايام دي كلها صيام. وعرفة صيام ان شاء الله. طيب وبعد - 00:19:57

كده يبقى لغاية دلوقتي ثلاثة. بعد كده التوجه الى القبلة. والوضوء انك تتوضأ ان شاء الله عشان تنزل زنوبك. وبعد كل ده ان شاء الله نعمل ايه بعدها باذن الله سبحانه وتعالى ترفع ايديك بالدعاء بتوسل وزل. تقدم صدقة ما بين هذا الدعاء. نبدأ في الكلام بقى او عمل صالح. نبدأ في الكلام تبدأ بالثناء - 00:20:07

وكثرة الثناء تسأل الله باسمه الاعظم. تصلي على رسول الله صلى الله عليه وسلم في اول الدعاء واخره. تتوب وتستغفر وتبكي في التوبة والاستغفار الاول. بعد كده اطلب اللي انت عايزه وبعد كده تكرر وتكرر وتكرر وتلح في المسألة على الله. ما عايش بعد كده غير حاجة واحدة اللي هي. ان ما يكونش فيه سبب من اسباب - 00:20:27

آ مانع اجابة الدعاء زي المطعم الحرام والعياز بالله. ربنا يرزقنا المطعم الحلال يا رب باذن الله سبحانه وتعالى. رويته اجابة الدعاء يا جماعة. رويته خطيرة. الامام ابن القيم جمع فيها اسباب اجابة الدعاء كلها. وعملها رويته عشان كلنا نطبقها. انا والله انا ملهوف ان انا اطبقها. والله العزيز يا جماعة. ملهوف ان انا عايز اطبقها. انا عايز - 00:20:47

كثير جدا. ان شاء الله باذن الله ده كنز ربنا فتحه لنا. زي ورقة صفحة جديدة مع الله. كنز ربنا فاتحه لنا. زي ورقة الذكر كده كنز ربنا فتحه لنا بفضل الله. كنوز ربنا - 00:21:07

يرزقنا بها. نشكر نعمة ربنا سبحانه وتعالى بقى. يبقى رويته الدعاء دي تكتبيها. هنبأ بها الوقتي. كل واحد يقوم الوقت. يلا ما حدش

يقعد. نقوم الوقت بازن الله نطبقها على اكثر حاجة كل واحد مننا نفسه فيها. طيب ويوم عرفة بقى باذن الله سبحانه وتعالى خلاص عرفة. نجتهد ان شاء الله. ده احنا عايزين نبقي فرسان عرفات - [00:21:17](#)

ان شاء الله وعلى طول الورقة دي تتعلق قدام مكتبتنا بحيس ان احنا نفتكرها مع كل كرب. يا جماعة ليه ما بنوترش كل ليلة قبل ما ننام؟ او حتى بعد ما ننام قبل - [00:21:37](#)

ليه؟ لان في الركعة الثالثة من الوتر الرسول علمنا الدعاء. يبقى كل يوم لنا ورد دعاء. ليه كلمة يا رب ما تبقاش على لسانك ولسانك وانت رايحة وجاية وانت قاعدة - [00:21:47](#)

المطبخ وانت رايح الكلية وانت راجعة من الجامعة ليه كلمة يا رب ما تبقاش على لساننا على طول! ادمنوا كلمة يا رب يا جماعة ادمنوها ادمنوا نداء الله والتهاتف بالله سبحانه وتعالى فاني قريب اجيب. الله القريب سبحانه وتعالى. الله القريب. دايمًا في القرآن ما فيش كلمة يا رب. لأ رب رب اشرح لي صدري - [00:21:57](#)

يا ربي اني مغلوب فانتصر. لان يا ديت نداء للغافل وربنا غافل عنك. انت اللي غافل عنه. يا دي نداء للبعيد. هو ربنا بعيد عنك ده انت اللي بتبعد عنه. عايزين يا اخواني ان شاء الله نفهم خطورة قضية الدعاء بقى. نفهم عزمة قضية الدعاء باذن الله سبحانه وتعالى - [00:22:17](#)

نفهم القضية ديت خطيرة قد ايه واحنا بندعي مين واثار الدعاء في حياتنا ممكن يغير حياتنا قد ايه بس قليل من اليقين بس في قلوبنا مع كل اسباب الدنيا والله العزيز احد اخواني مرض مرض شديد جدا. ما رضاش ياخذ عايز كورس مضادات حيوية حقن كبير جدا. ما في الاخر خد حباية راق. قلت سبحان الله! لما - [00:22:36](#)

اليقين بيملى القلب اقل الاسباب بتجيب نتيجة عظيمة بازن الله سبحانه وتعالى. الدعاء يا جماعة. انا عايز اي حد منكم يكلمني ربع ساعة عن الرؤى اللي شافها عن الدعوات اللي دعا ربنا واجيب عن الكرامات اللي حصلت. الكلام ده ما بيحصلناش. تبقى مصيبة. تبقى مصيبة يا جماعة. يا جماعة الصحابة كانت حياتهم كلها دعوات - [00:22:56](#)

ورؤى صادقة وكرامات من الله. عباد ابن بشر واسيد ابن حضير في البخاري. خارجين من عند رسول الله. صلى الله عليه وسلم متأخر بالليل. فاضات عصا واحد من الاثنين دي لو بقت لمبة نيون نورت لهم. فلما جاء ليفترق اضاءت عصا الساني. كان حياتهم كرامات. النبي كان كل يوم بعد الفجر من رأى منكم اليوم رؤيا - [00:23:16](#)

حياتهم رؤى صادقة. يا ابني انك ما بتشوفش رؤى دي يا ابني دي مشكلة كبيرة جدا. يا بنتي ان دعائك ما بيوجبش دي مصيبة. دعائك ما بيوجبش في الدنيا هيجاب في الآخرة. لازم نقف يا جماعة - [00:23:36](#)

الحاجات دي بقت كرامات غائبة في حياتنا ليه؟ بقت حاجات غائبة في حياتنا ليه يا جماعة؟ لازم نقف وقفة خطيرة جدا مع نفسنا. الاب عايز ربنا يجيب دعاءك. امتى بيقول لابنه اي طلب اطلبه لما الابن يكون راضى ابوه امتى يرضى ابوه لما يكون بيعمل له كل حاجة بيطلبها منه يبقى امتى ربنا يجيب لك جعلك مجاب الدعاء - [00:23:46](#)

ما كل حاجة ربنا طلبها منك تعملها له. اجابة الدعاء يا جماعة. عرفات خلاص يا جماعة بازن الله سبحانه وتعالى بكرة يا جماعة يبقى الوقت احنا في مراجعة ليلة الامتحان. بكرة عرفات يا جماعة بازن الله. يعني ان شاء الله ليس بينك وبين اجابة كل ما تطلب الا الصبر على الدعاء - [00:24:06](#)

افاة يوم المباهاة اللي ربنا بيباهي الملائكة بالواقفين. عرفات يا جماعة اوعدوا تنسوا التعريف بالامصار. اللي كلمتكم عليه من اسبوعين اللي الأئمة قالوه والأئمة الإمام احمد ابن حنبل قال لا بأس به. وابن عباس عمله سعيد ابن جبير عمله. اللي هو ان الامة كلها تنزل المساجد تعتكف - [00:24:24](#)

فيها يوم عرفات يقلدوا اهل عرفات. اللي عايز يراجع المسألة في الشرح الكبير لابن قدامة. في كتاب الفقه الحنبلي. ان الناس تقلد اهل عرفات. تعرف بالامصار يعني بالبلاد. تقلد اهل عرفة عشان كل الامة تعتكف في هذا اليوم. اللي عايز يعمل فطار جماعة ويعزم الناس فيه. يا سلام! ياخذ سواب رهيب بازن الله سبحانه - [00:24:44](#)

تعالى. عرفات يوم تنزل الملك. عرفات يوم المباهاة قدام الملائكة. عرفات يوم المغفرة. عرفات يوم العتق اكثر يوم بتعتق فيه الرقاب. من النار عرفات يا جماعة يوم اجابة الدعاء. ما ننساش كل ده. ما ننساش الروشتة الخطيرة بازن الله سبحانه وتعالى. ما ننساش السلاح الخطير اللي اتكلمنا عنه النهاردة ان شاء الله - 00:25:04

بازن الله نقوم نطبق الروشتة دلوقتي. نسأل الله العظيم رب العرش العظيم ان يتوب علينا. وان يهدينا. اللهم اهدنا اليك صراطا مستقيما. اللهم افتح على قلوبنا في الدعاء يا رب العالمين. اللهم اجعلنا من اهل الدعاء ليلا ونهارا يا رب. اللهم لا تحرمنا من كلمة يا رب - 00:25:24

اللهم اشرح صدورنا للدعاء. اللهم بصرنا. اللهم استعملنا في طاعتك ليلا ونهارا. اللهم اعمل حياتنا بطاعتك ليلا مهارة. اللهم تب علينا توبة عظيمة. توبة لا نرد بعدها ابدا. اللهم تب علينا توبة نصوحا توبة ترضيك. توبة - 00:25:44

ان ترضى بها عنا تب علينا لتتوب. يا رب ما لناش غيرك يا رب. ما لناش غيرك يا رب افتح علينا في الدعاء يا رب. اعنا على ذكرك وشكرك وحسن عبادتك. اتمم لنا عشر ذي الحجة بخير يا رب. بخير ما ترضى به عنا من الاعمال الصالحة يا رب. اعنا على صلة الرحم اعنا على كل - 00:26:04

عمل تحبنا بسببه يا رب. يا رب احبنا وارزقنا حبك وحب من يحبك وحب كل عمل يقربنا الى حبك. اقول قولتي هذا واستغفر الله لي ولكم سبحانه اللهم وبحمدك اشهد ان لا اله الا انت استغفرك واتوب اليك. وجزاكم الله خيرا - 00:26:24

- 00:26:48